



UNIVERSITÄTS-
BIBLIOTHEK
PADERBORN

Scholia In Primarias Preces Imperatoris

Chokier, Jean de

Coloniae Agrippinae, 1674

XXV. Collatores in uno tantum beneficio gravantur.

[urn:nbn:de:hbz:466:1-62387](https://nbn-resolving.org/urn:nbn:de:hbz:466:1-62387)

S SINGULIS PERSONIS) Sed an cæci, surdi, muti, aut aliqua parte corporis vitiiati, sint capaces istarum Primariis Precibus? & videntur esse, quia ubi lex non distinguit, nec nos distinguere debemus, *l. de pretio, ff. de public. in rem actio*. Hic casus tamen distinctionem recipit: Nam aut agitur de acceptando beneficio, quod habet aliquem ordinem annexum actu, vel in proxima potentia, veluti intra annum, aut de beneficio, quod non habet ordinem annexum: priori articulo, dubium non est, quin sint incapaces Precibus tales personæ: quia inhabilis ad ordines, inhabilis quoque est ad beneficium, & qui repellitur ab ordine suscipiendo, etiam repellitur à beneficio obtinendo. *Maiol. tract. de irregul. lib. 1. cap. 20.* Cæcus autem repellitur ab ordine suscipiendo & beneficio obtinendo, *Maiol. d. c. 10.* Idem de surdo, *Maiol. lib. 1. cap. 25.* Similiter de muto, *Maiol. d. lib. 1. cap. 26.* Secundo autem casu videtur illos esse capaces, dummodo non sint beneficia curam animarum requirentia, accedente Pontificis dispensatione, neque enim alius super irregularitate, quæ ex corporis vitio nascitur, dispensat; *Covar. in Relectio. cap. si furiosus, 1. parte in initio.* Caterum, si corpore vitiiati sint dispensati simpliciter ad ordines, non videntur dispensati ad beneficium, nisi fortassis simplex: dispensatusque ad beneficium simplex non erit dispensatus ad beneficium curatum, aut requirens personalem residentiam, *Burg. tract. de irregul. parte 2. tit. de Interpret. exten. & restrict. dispens. Covar. de sponsal. & matrim. 2. part. cap. 7. §. 8. num. 6.* Ex quo fit, ut Præcistæ corpore vitia, beneficia vigore Precum citra dispensationem acceptare non possint. Neque obstat Indulti textum simpliciter, & indefinitè loqui, ibi PERSONIS SINGULIS, quia restringendæ sunt ad habiles, *arg. text. cum glo. in l. in provinciali, §. final. cum l. seqq. ff. de No. operis, nunciat. ubi dicitur omnes cives admitti adnunciandum novum opus in publico, quia reip. interest, & tamen ad idoneos restringitur, ut ibi per glo. Cagnol. ad Reg. Servus Reip. ff. de reg. iur.*

r IN VNO BENEFICIO) Neque enim Papa intendit eundem collatorem pluribus beneficiis gravare, nisi aliud exprimat, *cap. Mandatum, de rescript.* & ideo si nominatus ad primam præbendam, negligit illam petere, extincta erit illius gratia, *cap. si Clericus, cum ibi, not. de præbend. in 6. Staphil. de lit. grat. tit. de Sexta forma expectat.* Et locus erit secundæ expectativæ. Ideo executor secundæ Impetrantis poterit monere primum, ut faciat sibi provideri, præfigendo eidem tempus competens, quo elapso poterit secundo providere, quod tamen limitatur duobus modis, 1. nisi in literis princ. adsit clausula, QVAM DUXERIT ACCEPTANDAM, quia tunc licet per negligentiam omittat primam acceptare, poterit nihilominus petere secundam nulli alii debitam, *Ros. decis. 37. incip. not. quod ibi.* Nec isto casu locum habet dispositio dicti cap. si Clericus. Secundo quando neglexit petere debitam, dum adhuc res est integra: tunc enim potest illam vacantem adhuc petere & acceptare *Aegid. decis. 738. incip. Canonicus*

(cæci, surdi, muti an sint capaces istis Precibus?)

Preces in uno dumtaxat beneficio Collatoris gravat. Precisa si sit negligentur in acceptando an excedat sua gratia!

nicus fac. text. in cap. si tibi absent. de prebend. in 6. Sed quid si acceptatio fuerit invalida? variare poterit, & aliam acceptare, DD. *in cap. ne captanda, de concess. prebend. eligens enim male iterum poterit eligere, Mohedanus decis. d. prebend. qua de re paulo post dabitur vobis uberior scribendi seges. Sed an vocandi sint Collatores, quando Preces istæ conceduntur? Rebuff. tr. nominat. quest. 13 postposita opinione affirmativa, negativam tuetur, quia quando Papa concedit beneficia Ecclesiastica, vel scribit, ut alicui conferantur, nullus citatur, cap. cum secundum Apostolum. de prebend. not. in cap. dudum, de presump. Et c. cum olim, de re iud. Albert. in d. l. nam ita, col. ult. Sic ergo dicendum quando conceduntur Preces & nominationes ab Universitatibus, vel Cæsare ut nulli Collatores sint vocandi.*

u SALTEM QUATUOR BENEFICIA) Monocularia igitur beneficia sub his Precibus non comprehendantur: quod & generaliter receptum est illa non cadere sub generalibus & indeterminatis gratiis expectatis, neque enim verisimile Pontificem voluisse privare ordinarium Collatorem unico lumine, glo. in verbo incerta, in Clem. 1. de prebend. Gemina. cons. 36. incip. quod collatio facta. Steph. Bertrand. cons. 194. vol. 3. part. 2. V. Ames. 204. num. 6. de prebend. Et cons. 255. nu. 17. §. 3. in pr. Guimer. ad pragmat. sanctio. tit. de collatio. pag. 91. Cui autem incumbat onus probandi Collatorem habere quatuor beneficia sub collatione sua, vide Rebuff. tract. de mand. Apostolicis, in glo. declarantes, ubi scribit esse excipientis hoc probare, id est: ejus, qui negat. per l. quoties, §. qui do. lo. ff. de probat. aliud autem est in Mandatario, qui tenetur probare Collatorem, cui est directum mandatum, habere quatuor, aut decem beneficiorum collationes: quia fundat se in numero, ergo illum probare debet, arg. l. eam, ff. de neg. gest. Sed in casu nostri textus queritur primò: quid si habenti quatuor beneficia directæ fuerint Preces, & postea unum illorum fuerit unitum, quid juris? nocebitne Precis? Nequaquam, quia tempus data in hoc inspicitur, cap. si eo tempore, de Rescript. in 6. Imol. in Clē. 1. in fi. de prebend. Queritur secundò: si in istis quatuor unum, vel plura spectent ad collationem istius Collatoris, cum alia conjunctim, an Preces habeant locum? Ita videtur, quia meū dicitur, quod mihi cum alio comune est, unde licet spectent etiam ad collationem alterius, tamen etiam ad illius, l. si quis servos, ff. de leg. 3. l. prepillus, §. fin. ff. de verb. signif. In oppositum tamen facit, quod in odiosis meum proprie dici non possit, quod mihi cum alio commune est, l. quæstrum, §. Celsus, ff. de fundo instruct. leg. Latissime Iason, l. servi electione, §. Labeo, nu. 1. 4. 20. 21. 22. ff. de leg. 1. privilegia autem sunt strictissime intelligenda, ut quando fieri potest, minus præjudicent ordinariæ potestati, quæ est favorabilis, & quæ nititur jure communi. Archid. late in cap. frater, 16. quest. 1. nu. 5. Francus, cap. cum in illis, nu. 2. 3. de prebend. in 6. Card. Tuschus pract. conclus. juris conclus. 731. num. 6. Queritur terciò: quid si unum tantum in Imperio habeat, plura extra Imperium?

Monocularia beneficia non comprehenduntur sub Precibus. Preces afficiunt Ordinarios et habentes collationem 4. beneficiorum. Cui incumbat onus probandi collationem 4. beneficiorum. Quid si unum beneficium unitum est quatuor. Quid si unum est quatuor sit ad collationem coniunctim cum alio.